

Flash Notes

Histology| Blood

Dr.Dalia El-Marakbi

VISIT...

LANZAROTE
Caliente.COM

احنا قولنا قبل كده ان WBCs نوعين granular ,, agranular ، ، ، وال granulocytes فى منها ٣ انواع (basophil ,, neutrophils ,, eosinophil) ، ، احنا درسنا امبارح اول نوعين وفاضلنا الاخيرة واتفقنا ان ال ٣ خلايا دول ال nucleus بتاعتهم دايما مقطعة الى مقاطع يعنى segmented يعنى مقسمة الا اجزاء وكل خلية من الثلاثة فيه نوعين من الحبيبات (حبيبات non specific وحبيبات specific) .. الاولانية لما جم يدرسوها لقوها بتكتسب لون بنفسجى عند الصبغة .. اسم الصبغة azure لذلك سمينها azurophilic وعرفنا ان دى عبارة عن lysosomes واسمها كمان primary granules وكل واحدة فيهم من الثلاثة عندها specific granules وال granules دى ليها منظر وتركيب معين ، ، ، يعنى مثلا ال neutrophil ال specific granules بتاعتها عبارة عن نقط صغيرة جدا لونها pink (متعادلة اللون) لذلك سميت بال neutrophil لان neutro يعنى متعادلة ، ، ، طب يعنى ايه متعادلة ؟؟ يعنى لا تكتسب اللون الاحمر او اللون الازرق اما فى ال eosinophil عرفنا ان ال specific بتاعتها كبيرة الحجم ولونها احمر لذلك اسمها eosinophil اما الثالثة ال specific فيها لونها ازرق عشان كده سمينها basophil ولما اتكلمنا عن الوظيفة قولنا ان ال neutrophil وظيفتها خط الدفاع الاول ضد الميكروبات والبكتيريا لذلك نسبتها % 60:70 من الخلايا ال eosinophil نسبتها من % 1:4 من الخلايا وال basophil نسبتها اقل من %١ يعنى من % 0:1 وده معناه انها مش مهمة خالص بس مش معنى كده ان ال function بتاعتها مش مهمة .. لا طبعا مهمة لذلك يوجد خلية تانية اسمها mast cell بتعوض نقص عددها وتعمل نفس وظائفها

نتكلم بقى عن ال **basophil** بقى .. بتعيش few days .. ال diameter بتاعها من 10 : 12 ميكرون ، ، ، مين فيهم اكبر فى الحجم ؟؟ ال eosinophil حتى باينة فى الصورة وال diameter بتاعها من 12 : 14 ميكرون

تعالوا بقى نشوف ال basophilic بال L.M ليها nucleus عبارة عن فصين ممكن يكون شكلهم S shape ومغطى ال granules عشان كده مش باين اوى ال granules زى ال azurophil ودى موجودة فى الثلاثة ودى صغيرة فى الخلية لكن ال granules الكبيرة الى اسمها specific granules دى حبيبات بتحب الصبغات القاعدية ولونها بيبقى dark blue وجواها mainly hestamine و heparin ولما جم يشوفوا كده المرة دى لقوا داخل فى تركيبهم مواد سكرية ، ، ، المواد دى تستطيع ان تتفاعل مع الصبغة وتحول لونها من الازرق الى البنفسجى .. واسمى الخاصية دى metachromatic stain .. كلمة meta يعنى غير وكلمة chrome يعنى لون لو قولت لحضرتك كده ادينى مثال لصبغة metachromatic زى ال trypan blue ... يبقى المواد دى جواها sulfate granules لذلك لون الصبغة بيتغير من الاحمر والبنفسجى .
الدكتور هتعيد تانى ..

نوصف بقى ال basophil ب E.M
 احنا قولنا امبارح ان ال nucleus بتاعتى لزما يبقى فيها نوعين من ال chromatin الاسود القاتم اللى
 اسمه heterochromatin ، ، طب والابيض الفاتح بيبقى اسمه euchromatin
 فى الخلية دى الابيض فيها كتر عن الاسود لذلك ال euchromatin اكر من ال heterochromatin وده
 معناه انها نشيطة

طب بصوا بقى ال non specific بتبان electron dense granules يبقى تعالوا نشوف ال specific
 لونها اسود ومحاطة بغشاء و irregular

طب حد شطور كده فاكرا احنا قولنا ايه امبارح ال non specific granules فيها ايه ؟؟ acid
 hydrolysis

بصوا تعالوا نثبت ال acid hydrolysis دايمنا يعنى ال non specific بتوع ال ٣ خلايا فيهم acid
 hydrolysis ودى يعنى مجموعة من الانزيمات كثيرة العدد لا حصر لها لا تعمل الا فى وسط حامضى وده
 ممكن يهضم بروتينات وفى منه نوع يهضم ال lipids وهكذا .. لذلك اسمهم acid hydrolysis يعنى فى
 منهم انواع كتير وليه بقى سميناهم acid لانه بيشتغل فقط فى وسط حمضى

طب تعالوا نشوف ال specific granules جواها ايه ؟؟

heparin __ histamine __ eosinophil chemotactic factor __ leukotrienes

تعالوا نتكلم عن كل واحدة كده :

١_ ال histamine نعرف ايه عنه ؟؟ هو ده اللى بييجب الحساسية allergy ويعمل vasodilatation
 لحضرتك

طب هو بيعمل الحاجات دى بس ؟؟ يقولك لا .. سبحان الله له ٢٣ وظيفة اخرى غير ده يعنى مثلا ال
 histamine ممكن يشتغل ك neurotransmitter فى جسمنا وبيشتغل اثناء حدوث ال
 inflammation

٢_ ال heparin يعمل ك anticoagulant مضاد للتجلط

٣_ ال leukotrienes بيسبب حساسية فى الجهاز التنفسى بيعمل على انقباض ال muscles اللى موجودة
 فى الجهاز التنفسى بتاعنا

يعنى بيعمل bronchospasm يعنى ايه broncho ؟؟ شعب ، ، ويعنى ايه spasm ؟؟ ضيق

٤_ ال eosinophil chemotactic factor ده بقى بيعمل ايه ؟؟ بص basophil دى ست الكل بتعمل
 الحساسية وبعدين تصوت وتنده على ال eosinophil عشان تعالج اللى هى عملته

طب لو جيت سألتك هو ليه ال basophil بتعمل حساسية ؟؟

هى وحشة بالطبيعة ولا انت اللى وحش ؟؟

لا انت اللى وحش

بصوا الخلية دى عليها receptor نفرض ان حضرتك كلت شكولاته وقالولك انك عندك حساسة من

الشكولاته متعملش كده تانى لكن حضرتك طفس ..

كلت الشكولاته تانى راحت حصلتك حساسية لان الجسم عمل antibodies طبيعى لانها بالنسبالة عبارة

عن antigen طب هو ايه antibodies دي؟؟
 هي ال IgE وليها receptors على ال basophil ، ، بعدين احنا قولنا لك اتق ربنا ومتاكلش شوكولاتة تانى
 بقى
 لكن حضرتك مصمم تاكل وكلت فعلا ايه اللي هيحصل بقى؟؟
 ال basophil هتفرز حبيبات اللي فيها ويحصل حساسية
 الدكتور هتعيد تانى ...

طب الخلايا دي بتزيد امتى؟؟ فى الحساسية allergy بكل انواعها .. اى تحسس الجلد وال bronchial
 athma وبتزيد فى حالات الديدان .. ليه؟؟
 عندي ديدان كتيرة بتستفز الجسم وتطلع antigen تسبب حدوث حساسية فى الجسم يعنى الدودة
 تطلع antigen او تكون هي نفسها antigen
 وبتزيد كمان فى حالة الجدرى (cheek box) هو ايه الجدرى ده؟؟
 ده طفح جلدى مصحوب ب infection بيصيب الجلد وفى حالة كمان ال liver cirrhosis
 لو زاد عدد ال basophil عن 1% هتبقى اسم الحالة دي basophilia وكل الحاجات اللي لسه قيلها
 بتسببها

حد شاطر فاكر ان neutrophil و ال esinophil ليها phagocytic activity وكمان بردو ال basophil
 ليها بس ضعيفة جدا
 حد يفكرنى كده بالخلية اللي شبه ال basophil mast cell؟؟
 ودى واحدة من C.T cells واللاتين فيهم نفس ال granules والانزيمات بس ال basophil حجمها 10
 ميكرون وال mast cell حجمها من 20:30 ميكرون .. احفظوا الارقام
 ال basophil ال nucleus بتاعتها s shape لكن ال mast cell النواة بتاعتها مدورة
 تفتكروا نسبة ال histamine موجودة فى مين اكر؟؟ اكيد فى ال mast cell لان حجمها اكبر من ال
 basophil
 ال mast و ال basophil عليهم receptors لل IgE واللاتين بيتصبغوا بال metachromatic stain
 ال basophil ليها minimal phagocytic activity يمكن ال mast cell ملهاش غالبا
 المقارنة دي مهمة ف الامتحان ...
 وكمان المقارنة بين ال neutrophil وال basophil وال esinophil مهمة اوى اوى وبيجي منها فى
 الامتحان كتير
 طب لو جيت سألتك كده انت خدرت واحد وهو عنده حساسية من النوع ده من البينج وهو خد منه كمية
 كبيرة تخيلوا ايه اللي هيحصل؟؟
 vasodilatation ويوطى الضغط بتاعه جدا ويحصل athma اسمى الحالة دي anaphylactic shock ..
 ده لزما احل المشكلة بسرعة بأما العيان يموت

انا عندى بقى كده خليتين واحدة اسمها lymphocyte والثانية اسمها monocyte ودول مش فيهم specific granules بس فيهم non specific granules اللى هى اسمها azurophilic يبقى دول عبارة عن خلايا بيضة تحتوى على نوع واحد من ال granules اسمهم azurophilic وال life span هيكون highly variable فى منهم حياتهم هتكون قصيرة وفى منهم اللى هيعيش سنين طب النوايا ياما rounded او متأكلة

بصوا خلايا دمك اغلبها ياما neutrophil ياما lymphocyte
نسبة ال lymphocyte .. 20:30% وده خط الدفاع التانى لكن ال neutrophil ده خط الدفاع الاول
فى خلايا لما تشوف حاجة غريبة بتتضرب بأى حاجة زى ال neutrophil بعد كده نشوف هنعمل فيه ايه ؟
يعنى هتصرف معاه على الهادى بعد كده وده اسميه immune response وده اللى بتعمله ال lymphocyte لذلك لازم يكون عليها ختم معين عشان نعرف منه اذا كان antigen وده self ولا non self عشان متضربش خلايا جسمى
العلامة دى بسميها specific marker ، ، ال antigen هو البروتين اللى بيستفز جهاز المناعة وتخليه يطلع لوحدته antibodies .